

სახალხო გაზეტი

სურათებიანი დამატება

გაზეთის № 48.

კვირა, 4 ივლისი 1910 წ.

დამატების № 8

ლუკმა პურიშვილს

(რუსულიდან)

სუსხიანი ზამთრის დღე იწურებოდა, ბინდებოდა, როცა ერთ სოფელში მახლობელ მაზრიდან დამშეულთათვის წითელ ჯვრის საზოგადოების მიერ შეწირული ოთხი ურემი ფქვილი შეიტანეს. ფქვილის მოტანის ამბავი სწრაფად მოედო სოფელს და თუმცა უკვე ბნელოდა, მაინც ხალხი მრავლად მოაწყდა სოფლის სამმართველოს, რომლის წინაც გააჩერეს ურემები.

— ოჰო, ღმერთო შენის წყალობით... ფქვილი მოიტანეს, ერთი ლუკმით მაინც მოვითქვამთ სულს. გაისმოდა აქეთ იქიდან.

— ნეტა რამდენ-რამდენს დაგვირიგებენ? კითხულობდნენ ზოგიერთები.

— არა მგონია ბევრ-ბევრი გვიწყალობენ, სულ რაღაც ასი ფუთია ვგონებ, უპასუხებდნენ მეორენი.

— ჰა, რა პირი დაგილიათ და გაჩერებულხართ, კაცი აღარ უნდა გაატაროთ? ყვიროდა მამასახლისი, თან მუჯღლუგუნს სთავაზობდა აქეთ იქით და კანცელარიისკენ მიიწევდა. — ნეტა ყველას დაურიგებენ? წამოიძახა ვილამაც.

— რის ყველას, ვერა ხედავ ერთი ბეწვია; მისცემენ იმას, ვისაც ლუკმა არ გააჩნია, მიუგო მეურმემ.

ამ დროს სამართველოს აივანზე გამოჩნდა მამასახლისი.

— შეიტათ ე ურემები ეზოში თქვენ რატომ აღარ მიბრძანდებით სახლებში, რას ელით? დაიღუპეთ აქედან; ხვალ დილით ცნობებს მოვახდენ ვის რა აკლია და დაგვირიგებთ ვისაც გეკუთვნით, დაუყვირა ხალხს მან.

— ბატონო, მოიღე მოწყალება, ეს მეორე დღეა ჩემს შეილებს ლუკმა პური არ უნახავთ, სიმშობლით მგლებივითა ღმუიან, ეხლავე მომეცი ცოტაოდენი ფქვილი, ევედრებოდა ერთი ორსული დედაკაცი და თან უფრო და უფრო მოწიწებით წინ იწევდა.

აი დასწყევლოს ღმერთმა ამას კიდევ მუცელი შემობერვია? მოიღე მოწყალება, გააჯავრა მამასახლისმა, შენ ვგრე ყარე და უფრო კარგად დააძღობ შეილებს.

— შენ რაღა გინდა? მიუბრუნდა მამასახლისი ერთ გამხმარ, მაღალ-მაღალ გლესს, რომელიც ცოლთან ერთად მოკრძალებით უკრავდა თავს.

— გვიშველე რამე, შენი კირიმე, მამასახლისო, ერობისაგან მოცემული ფქვილი სულ შევქამეთ, ახლის მიღებად კი ორი კვირაა კიდევ, ერთი ფუთი გვიწყალობე...

— კმარა, კმარა ლათინური ბევრი, შენისთანა გამოჩნდება; ამას ერთი ფუთი მიართვი, იმას ნახევარი იმას კიდევ ორი, კარგია შენმა მზემ; ქამარს მოიშვებთ ხოლმე განა მუქთა ქელესში! დაიკარგე აქედან, შენ თვითონ იცი, ჩვენ მუშებს არ ვაძლევთ დახმარებას, მიაყვირა მამასახლისმა. მამასახლისს იგი ძალიან ეჯავრებოდა, რადგან ყრილობებზე იგი მუდამ მის წინააღმდეგ ლაპარაკობდა და ეხლა ცოტა არ იყოს ესამოვნა, რომ მის კლანქებში ჩავარდა.



გიორგი ივანესძე ნატრაძე. — ქართველი შემუსიკე, «განათლების» სკოლის ვალობის მასწავლებელი. და ფილარმონიულ საზრგადოების სკოლის ინსპექტორი. გარდაიცვალა 1 ივლისს.

— შემობრალე, შენი კირიმე, მამასახლისო, რა გამოვიდა რომ მუშა ვარ. ფერდი ფერდზედ მეკვრება შიმშილით, მუხლთ მეკვცება. ლუდლულებდა საბრალო და თან გამხმარ ხელებით სრესავდა ქუდს. იქ მყოფნი ყველანი დაჩუმდნენ.

— გეუბნებიან არ შეიძლება, მორჩა და გათავდა, რას გადამეკიდე? დაუყვირა მამასახლისმა და შინისკენ გასწია.

— მართლა და შეილონანისა ვგრე ხომ არ არის საქმე; ჯერ უნდა გაიგოს ვის რამდენი აკლია და მერე ისე დაარიგოს, ყაყანებდნენ გლესები... ყველანი წავიდ-წამოვიდნენ, მხოლოდ გაბუა იდგა ისევ იმ ალაგას თავ ჩაქინ-

დრული... განა ეს სამართალია, განა ადამიანობაა, რომ მე ასე მშობლად და სხვას კი, ვისაც ცოტა მაინც აქვს, ურიგებდნენ ფქვილს? ფქვილობდა იგი და გული უფრო და უფრო უკვდებოდა. არასდროს არ უგრძნია მას თავი ასე შეურაცხყოფილად, ყველასგან მიგდებულად, დაბრიყვებულად, როგორც ეხლა, არას დროს ისე საზარლად არ წარმოადგომია თვალწინ შიმშილი, როგორც ეხლა წარმოუდგა. დიდხანს იყო გაბუა ასე ჩაფიქრებული, მერმე თითქოს რაღაც ვალწყვიტა გუნებაში, გრძელი და ქუჩყიანი თმით დაფარული თავი შეიქნია, ქუდი თვალეზე ჩამოიფხატა, ერთი რაღაც ნაირად მიიხედ მოიხედა და სწრაფის ნაბიჯით შინისკენ გასწია.

დადგა ბნელი ღამე. ნარნარა თოვლმა თავის საცანე წააფარა მიწას. არგვლივ მკვდრული სიჩუმე სუფევდა, მხოლოდ ხანდისხან არღვედა ამ სიჩუმეს ორი დარაჯის ხრეტუნები, რომელნიც მამასახლასმა იმ ღამეს დააყენა სამართველოს კარზე, რომ ფქვილი არავის მოეპარა. იგინი ტყავებში გახვეულიყვნენ, ერთგულ ძაღლივით შიგ კარებში მოკუნტულიყვნენ და ეძინათ. მაგრამ შიმშილმა შიში არ იცის და აი ურემს მიეპარა ვიღასაც ჩრდილი, სწრაფად გაფაშვა დანით ტილო და იქიდან ტომარაში, რომელიც თან მოეტანა, ფქვილის ყრა დაიწყო. მაგრამ რაც ყარაულებმა ვერ გაიგეს, იმას ყური მოჰკრა ერთგულმა მურია, რომელიც იქვე გორგალივით მოკუნტულიყო, წამოვარდა და ყფით ჩრდილისკენ გაექანა.


„არქა, დანიელ, ქურდებია“, დაიყვირა ვიღაცამ. ყარაულები წამოცვიდნენ ზეზე. ადამიანის ჩრდილი სწრაფად მოსცილდა ურემს, მაგრამ ბოროტი მურია აღარ შორდებოდა და ტანისამოს აფლეთდა. „ტყუილია, ვეღარ წაგვიხვალ“, გაიშობდა აქეთ იქიდან. ჩრდილმა რაკი დაინახა, რომ ძალი აღარ ცილდებოდა, უცებ დაიხარა; გაიპრიალა დანამ, და მურია წკმუტუნით უკან შემოტრიალდა, შავმა რალამაც შეღება უცებ თოვლი „ოჰო, დანაცა აქვს“, წამოიყვირა გახელებულმა დანიელამ, მივარდა და ისე მძლავრად დაჰკრა კეტი თავში, რომ მან ხმის ამოდება ვერც კი მოასწრო და უგრძობლად გაიშხლართა ფიფქ თოვლზე. — „შენ ქურდობ, ავახაკობ, კიდევ იზამ!“, ყვიროდნენ ყარაულები და სცემდნენ რაც ძალი და ღონე ქონდათ კეტებს საბრალო ადამიანს, თითქო სიმინდს სცეხვამყნო. იგინი ნამეტნავად დანის დანახვამ გაახელა.

— მოიცა ერთი, დანიელ, მგონი აღარც კი სუნთქავს, სთქვა ბოლოს ერთმა. — ეი, ცოცხალი ხარ კიდევ? შეეკითხა იგი და თან წიხლი ჰკრა გვერდში. იგი სდუმდა.

— მართლა რა გვრჯოდა, რას ვერჩოდით, ე ხომ მიდიოდა და წასულიყო, ჯანაბას მისი თავი, რისთვის ჩავიდინეთ ცოდვა, წაილაპარაკა დანიელამ ჩუმად და თან რაღაც ხმის კანკალი დაეტყო. მერე დაიხარა ძარს და სთქვა — დასწყევლოს ღმერთმა ხმას არ იღებს და კი არ მოკვდეს; გაიქეცი ერთი ფარანი მოიტანე, მე აქ მოვიცდი; ფარანი მოიტანეს. მისმა მკრთალმა ნათელმა ოდნავად მიანათა ნახევრად ფქვილით სავსე ძველ ტომარას და იქვე სისხლით მოსვრილ უგრძობლად მდებარე გვამს...

ეს იყო გაბუა...

ვინმე სანგანიძე.



ბელნიკების მელტონი

ნოველა.


ეს სწორეთ იმ დღის წინა ღამეს მოხდა, როცა ალვასი უნდა დანიშნულიყო.

სოფელს გარეთ, პატარა ისლით დახურულ ქოხიდან, რომელიც მერცხლის ბუდედავით მოჰკროდა თოვლით დაბურულ მუხნარს, ხატის კანდელივით გამოკრთოდა გლეხისდავითო წამწამაძის — კერაზე ანთებული წალამის ცეცხლი.

მოხუცი დავითო, ცეცხლის პირას სამფეხა სკამზე ჩამომჯდარი, გაცვეთილ ქალამანებს აბანდულებდა და დრო და დრო თავის ქალიშვილს ალვასის აქებებდა!

— დაუჩქარე, შვილო, დაუჩქარე! აგერ შუა ღამე გადავიდა, ხომ იცი, ხვალ ადრე ასადგომი ვართ?

ცქრიალია, ონტკოფას ყვავილივით გადაბურდული, ალვასი, კოვზით ხელში, თავს დასტრიალებდა თიხის ქოთანს, რომელშიაც სახვალის საცივი მზადდებოდა.



ივანე ბიორბის ძე მახაბავლი.

(მისი უკვალოდ დაკარგვის 12 წლის თავის გამო).

— რა ვქნა, მამა, ძველი ინდოურია და ხარშვა რო ადაკლდეს, თავი მამეჭრება!

— ხარშვას კი ნუ დააკლებ, შვილო, ცეცხლი შეუმატე — ალვასი შეშისთვის მიბრუნდა, და ცოტა ხნის შემდეგ დაბრუნდა.

— ასე არ ჯობდა? ახლა ყოლიფერი მოკეთებული გვაქ; ხვალ, ღვთის შეწვევით, ადრე ადექი, მეირთე, მეიკმაზე და მოხუცმა მოლიმარი, ზამაშვილურ სიყვარულით სავსე, თვალი მიაპყრო მას — მეიკაზე და შენს კოხტა ბიქს მოხვიე ხელი!

ალვასის სახეზე უცნობი, ჯერ გამოუცდელ გრძობის შუქი აპრიალდა. გაორკეცებული სიამით ჩაიჭრა იგი გრძობა ქალის უმანკო გულში და უსაზღვროთ გაიშალა: ყოველი ნერვი, სისხლის თვით უჩინარი მილი, ჯადოსნური სისწრაფით აავსო, ააღელვა. მორცხვი, ქალწულებრივი გრძობა მწვავე ვნებათ იქცა და, ათრთოლებულ სისხლში გაქნილი, მთელ ტანს მოედო. მის სულის სიღრმეში, იქ, სადაც იმალება ხოლმე ნასახი ბედის წერისა, მომავლის იმედთან ერთად რაღაც იდუმალი, სახე უჩინარი ამოძრავდა; მომავალ ბედნიერების ანკარა ნაკადს ტალახიან რუსავით შეერთო ის უცხო რაღაც და თითქმის მოსპო, გაანახევრა იგი.

— ეს ყოლიფერი კაია, მარა უნდა დევისიძოო რო ამბობ...



— ჰო! უნდა დევსიძო, შვილო, აპა? ისიც იმიტო მოგვეკიდა ასე იოლათ, თვარა...

— კი, მარა...

თვალთ ანიშნა ცეცხლი პირს მძინარე ფეხშიშველა, პატარა ძმაზე.

—... იმას ხო მონაწილე გოუჩდება?

— ეჰ, გოუჩდება, შვილო, გოუჩდება! მართალს ამბობ მარა აპა რა უნდა მექნა? მე აღარა შემძილიარა: ხომ ხედავ—სული კბილით მიკავია. მტრისა და ავისას, რო რამე გამოქირდეს, ვინ იქნება თქვენი მამხედავი? ცოცხალ ადამიან მტერიც უნდა ჰყავდეს და მოყვარეც. ხომ იცი, რანაირ დროში ვართ: ყველგან გზირი დგას; სოფელ-ქვეყანას ზეკუცაა მოდებია, მათი შიშით ნალიაში სიმანდი ვეღარ დაგვიტოვებია და ქურში ღვინო.



პანტანგ მემფისი. — (ქართულ სტამბის 200 წ. არებობის გამო).

1729 წ. ვანტანგ მეფე ქართველ დიდებულებით რუსეთში გადასახლდა პეტრე დიდთან უნდა მოსულიყო, მაგრამ ცოცხალს ვეღარ მიუსწრო. ხოლო პეტრეს მეუღლემ ვანტანგი ორდენებით დაჯილდოვა

ღვთის რისხვა მოგვევლინა, შვილო, ღვთის რისხვა! გუშინ კიდევ წიფლარში მამასახლისი მოუკლავთ!..

— უი მე! — შიშით წამოიძახა ალვასიმ და ფერი გცილა, — ალბათ იქ მიდიოდა ამდენი ჯარი!

— ჰო, იქ მიდიოდა! ამბობენ მთელ სოფელს გადაწვავენო. — მოხუცმა ღრმით ამოიხვნეშა და განავ რძო; — ნამდვილად!.. მეორეთ მოსვლის ნიშნებია, ნამდვილად ღმერთო, ჩვენ სისაწყლეს ნურაფერს გაუქირვებ!... რას ვამობდი? ჰო, ამისთანა უბედურ დროში ვართ, შვილო, და, მაგ ბარტყის ამარა ხო ვერ დაგტოვებდი! გაზარდოს ღმერთმა ეგეც, თქვენც კარგათ გამოყოფოსთ, შვილო, ორივე ცოლ-ქმარი და იძმეთ ერთმანეთი. გამრჯელი ადამიანი ყოველთვინ ღვირჩენს თავს. თუ მარჯვეთ იქნებით, ბარც ორ ცხონებას შამოუთვლით ჩემ გაჯანჯირებულ სულს, რო საქმე ამდენათ მოვაგვარე!..

კიდევ დიდხანს ებასებოდა მოსიყვარულე მამა თავის ერთად ერთ ნუგეშს რომელიც მტრედით მორჩილ ქალი-შვილის სახით მოუვლინა მას განგებამ; მაგრამ იმ მუსიაფში, რომელიც უმთავრესათ აწმყოსა და ახლო მომავლის გათვა-

ლისწინებას ეხებოდა, დრო და დრო უცნაური, წინასწარ-მეტყველური რაღაცა კრთოდა, თითქოს მოხუცს დიდი ხნის სიცოცხლე აღარ დარჩენია და სიტყვიერ ანდერძს უტოვებს საყვარელ ქირისუფალსო. თუმცა იგი თვალნათლათ ხედავდა დიდი ხნიდან გულს ნახუტებ ოცნების განამდვილებას, საკუთარი სისხლ-ხორციტ გრძობდა, თითქმის ეხებოდა მის სინამდვილეს, მაგრამ ეს ხორც შესხმული, განამდვილებული ოცნება იღუმალ, გაურკვეველ კრთომით აღელვებდა სიბერისა და მრავალ ტანჯვა-წამებისაგან დაღარულ გულს. იგი აღლოთი გებულობდ, რომ დასახულ ბადნიერებას ისეთი რაღაც ეკოწიწება, რომელიც დაეინებულ ძლიერებით სცდელლობს მის შელახვას, გაწბილებას. იქ, მამაშვილურ სიყვარულით გაუმაძღარ, გულში, ვით ჯადოსნური მორკვი, იხვევოდა ის „რაღაც“ — საშინელი და უსახო — რომლის ჯოჯობეთური აჩრდილი დემანურ უღმობელობით ავიწროებდა, სქყლეთდა ყვავილის კაკორივით გამონასკულ ბედნიერების ჩანასახს.

მოხუცს სურდა იმ უცნაურ „რაღაცის“ შესახებ ქალი-შვილისათვისაც გაეზიარებია თავისი ფიქრი, მაგრამ ალვასის ქალწულებრივ სახეს ისეთი სასოებით სავსე ღმილი გადაჰკროდა, რომ მამას შეენანა სპეტაკ, უმანკო სულის ამღვრევა.

— მიაღაგ-მოაღაგე, შვილო, დავწვეთ: მეორე მამლის ყიულია! ძილით კი არ მეძინება, მარა იქნება ძვლებმა მაინც დვისვენონ.

ალვასიმ საცივის ქოთანს თაროზე შედგა, ცეცხლში ნამწვავი ჯირკი ჩაფლა, ნაცარი მიაყარა და ზედ კეცები მიაფარა. მერე შინ მოქსოვილ სამოსლის ქვეშაგები გადმოშალა, მძინარე ძმა მოფრთხილებით აიყვანა და ლოგინზე მიაწვინა; ცოტა ხნის შემდეგ თათონაც გვერდს ამოაწვა. მოხუცმა კი კერის ახლო გაშალა თავისი სკამლოგინი, მუთაქის მაგიერ სასთუმალს ძველი ჩოხა მიიდო, ქისა-ყალიონი თავქვეშ ამოიდო, ღმობიერათ პირჯვარი გამოისახა და კვენესა-კრუტუნით ცივ საბანში გაეხვია.

წყველიადმა ფრთა გაშალა. ობოლი ქოხი მიეცა ძილს, იმ მტრედის ფერ ძილს, როცა სიბნელე ოდნავ ჩამოაფარებს ხოლმე ფარდას უდიერ სინამდვილეს რომ მქრქალი ჩადრიდან უფრო საშინლათ აჩვენოს ადამიანს ცხოვრების სახე.

სძინავს ქოხს; სძინავთ ალვასისა და მის პატარა ძმას, ხოლო მოხუცს ძილი არ ეკარება!..

— რა არი ადამიანის ცხოვრება? — ფიქრობს იგი — ფათურობ, ფატურობ, ფუტკარივით მთელი შენი სიცოცხლე, მიიხედავ უკან და... არაფერი! „ათასი წელი, ვითარცა ერთი დღე“ — გაახსენდა საღვთო-წერილის სიტყვები — უჯიათმა შრომამ წელში გამტება ჯანი დამილია, აწი სიკვდილიც მამეპარება და... ეჰ, გოუმძღარი კაკის გული: მე აწი მინდა სიცოცხლე, რო ი ორი ბოვშვის ბედნიერებას ვუყურო! მარა... მადლობა უფალს, კი ბედი მამეგარა კარს! არა!.. კი ბიქია, კი!.. მარა არც ჩემი გოგოა დასაწუნარი: ათი ცხენოსანი სტუმარი რო დეცეს თავს, ისე დახვდება, როგორც კი გამოცდილი დიასახლისი. დადგა დედა მისის სულს უკვდავი ნათელი! სულ საცოდავი დესპინეა გამოსახული...

მოხუცმა კვენისით გვერდი ინაცვლა და ისევ ფიქრში გაეხვია:

— ქალი ის იყო და ლეჩაქიც იმას ეხურა! აი, ბეჩაო, რა გამრჯელი ადამიანი იყო! ის რო აქამდი გვერდს მყოლოდა, ჩვენ ბედს ძალი არ დაყეფდა, მარა მადლობა უფალს! მან გრძლათ დაამტქნარა და პირჯვარი გამოისახა.

სძინავს თოვლით შებორბლილ ქოხს. სძინავს ალვასისა და მის გვერდზე, სოკოსავით ამოტყუბულ პატარა ძმას. სძინავს პატარა ქოხს...

უკვე დაბალი სადილობაა. სუფთად დაგვილ-დალაგებუ-

ლი ქოხი სავსეა სტუმრებით. სასიძო კაი ხანია მოვიდა. ყველანი კერას შემოსხდომიან, რომელზედაც ჯირკის ცეცხლი ღულუნობს. შუაში მღვდელი ჩაუსვამსთ. მის გვერდით სიძე ტკბილათ მუსაიფობენ. ალვასი ფეხზე ტრიალებს—სადილის სამზადისშია. ქალები ერთ კუთხეში მოთავსებულან და სასიძოს უთვალ-თვალედნენ. ხან და ხან ალვასის უღიმებენ თვალთ რაღაცას ანიშნებენ. ოჰ, რა ეშმაკები არიან ე ქალები!.. მაგრამ ალვასის მათთვის არა სკალია. ყველაფერი მზათაა, სუფრაც გაშლილია. მაშ, დაიწყონ ნიშნობა, რაღას უცდიან?

— მამაო, შევუდგეთ აწი, თუ თქვენი ნება იქნება!

— კარგი! ძალიან კარგი, შვილო!..

მაგრამ... სიძე რა იქნა?..

— სიძე სად არი?..

წედან ხომ აქ იჯდა?..

— სიძე! სიძე!..

ჰმ!.. აი, ეგრე საბუღარში ზის წიწილებთან!.. ოჰ, ღმერთო, რა ხუმარაა! კი, მაგრამ... ამისთანა დროს ვის გაუგონია ასეთი ხუმრობა?!.. აჰ? იცინის, თუ?.. არა, ტირის, ტირის!..

— რა დაგემართა, კაცო?

— რა გატირებს?..

შვილო, შვილო... ცალი ყბა გაშავებია, ზედ წურბელა აზის...

— ავთ ხომ არა ხარ?

— ოჰ, ცოლი მამიკვდა!

ღმერთო ჩემო, ღმერთო ჩემო! ცოლიანი ყოფილა? შვილო, ალვასი, დევიდობათ ქვრივი გამოდგა შენი საქმრო!..

— რატომ იცი, მამა, მაგისთანა უხიაგი ლაპარაკი! რა ვუყოთ მერე? მეც ქვრივი არა ვარ? აი ჯერაც არ გამიხდია შავები!..

ალვასი მთლათ შავებშია... ტუჩებიც ჩალურჯებია...

— ქვრივია, ქვრივი!..

უჰ, უჰ, რას მევესწარი?!..

— მამაო, შეიძლება ნიშნობის შესრულება?

— რატომ არა, შვილო? მხოლოდ... საქვრივო წესით!

— ჰმ, საქვრივო წესით! მერე... როდის დაქვრივდა ჩემი ქალი?!..

— წამოაყენეთ ბეფე-დელოფალი!—ბძანებს მღვდელი დროა შეუდგეთ!

თაროს წინ სდგას მორთულ-მოკაზმული ალვასი:

მის გვერდით უღვაშ-აწკებილი ზარასპი.

— იცოცხლეთ, შვილებო, იცოცხლეთ!

მღვდელმა გადაიცვა ოლარი და დაიწყო წინდობის წესი: კითხულობს, კითხულობს... ფურცლიდან ფურცელზე გადადის; აღარ თავდება...

— გაბედნიერდით, შვილებო, გაბედნიერდით!

ალვასის მორცხვათ დაუხრია თავი, და ქვეშ-ქვეშ იღიმება, მამას ანიშნებს ბედნიერი ვარო...

— დაიწინდვის მონა ღვთისა ზარასპი და მხევალი ღვთისა ალვასი, სახელითა მამისათა დაძისათა დასულისა წმინდისათა, ამინ!

ბექედები შეუცვალა. მაგრამ... ეს რაღა? ღმერთო, ჩემო, რა უშნო ბექედები უყიდა სასიძოს! შავია, როგორც... ნახშირის უნდა იყოს! აჰ? რაღა უცნაურათ დიდდებიან, განიერდებიან! ღმერთო! ბექედი კი არა... გველია, გველი!.. მიშველეთ, გველია! ალვასის გულზე მიცოცავს... ყელს ეხვევა... ოოჰ, ღმერთო, ღმერთო!.. ვინ ხარ, ქრისტიანი!.. უკბინა!.. აჰ? უკბინა?..

— ოჰ, უკბინა, შვილო, უკბინა—ამბობს მოძღვარი,

—ღვთის განგება ყოფილა: უნდა დავემორჩილოთ მის ნე-

ბას!.. ეზიარების მხევალი ღვთისა ალვასი, სახელითა მამისათა და ძისათა და წმინდისა სულასათა! გააღეთ კარი, მიქელ-გაბრიელი მოდის!..

— შვილო, შვილო!

საშინელი ხმით დაიყვირა მოხუცმა და გამოეღვიძა ბალიში ცრემლებისაგან დასველებულიყო. თავს მოწოლილი სისხლი ჩაქუჩივით მძიმეთ სცემდა. გული მომაკვდავ ჩიტივით უფართხალბდა.

— ღმერთო, შენ იყავ ჩემი მფარველი!

სასოწარკვეთილებით წაიპუტუნა მან და წამოდგა კერაზე მიზავებული ცეცხლი გადმოჩხრიკა, ზედ ხმელი ვენახის ლერწი მიაყარა და შეუხებრა, წალამმა ერთბაშით იბიწკინა და მყუდრო ქოხი უცხო ფერათ გაანათა. მოხუცი დააშტერდა ალიბ-ლიბებულ ცეცხლს და უნებურათ მწარეთ დაფიქრდა... სადღაც შორს ძაღლმა იყეფა, მერე ისევე მიჩუმდა. მოხუცი სწუხს, ყალიონს ყალიონზე სცლის:

— რა უხიაგი სიზმარი იყო!.. ღმერთო, დაიცივე განსაცდელისაგან.

ორლობიდან ცხენის ფთქვენა და მივრალთა სიმღერა მოისმა...

— ეს სალდათებია—საზეკუციოთ მოსული ჯარი!

ძლივს უსწრაფეს გაივლო მან გულში და ციების კანკალმა აიტანა.

ხმაურობა თან და თან ახლოვდებოდა: თითქოს მის ეზოში შემოვიდნენ კიდევ.

— ოოჰ, ეს საშინელი სიზმარი... ღვთისმშობელო, წმინდაო გიორგი!..

კვლავ სიმღერა—ხრინწიანი, არეულ-დარეული.

მთვრალთა ღრიანცელი წინკარში მისწყდა. წუთიც დე ქოხის კარს მაგრათ დაარახუნეს..

მოხუცს თვალთ დაუბნელდა—სიზმრისა და სინამდვილის უცნაურმა გადახლართვამ შიშის ზარი დასცა მის გონებას; საშინელი ჩვენება განხორციელდა.

— Отвори, отвори, чоррртъ!..

ქოხის კარმა კრიქინი დაიწყო.

მოხუცი გამოერკვა. არა ადამიანური თავგანწირულებით შვილებისკენ გაექანა და კრუხივით თავს დაეფარა.

წუთი, მხოლოდ საშინელი წუთი მოლოდინისა და მთვრალი, გამხეცებული ბრბო შეესია მიყუჩებულ ქოხს... დედამიწა შეინძრა, შეტორტმანდა; მერე პირი ჰქნა—საშინელი შავი პირი და ჯოჯოხეთურ სიცილ-ხარხართ შთანთქა ობოლ ქოხის მთელი მომავალი—ალვასის ბედნიერება.

მხეცურ ვნებათ დელვისაგან აკანკალებული, მთვრალი ხელები შხამიან ასპიდივით მოეხვეწ ალვასის ქალწულებრივ ტანს და დემონურ ზოზონით ჩაითრიეს იგი სადღაც შორს, მწვავე ტკივილისა და სიამის უძირო მორევში.

კერაზე ალიბლიბებულმა ცეცხლმა, თითქოს საძაგლობას თვალი მოაჩიდაო, უკანასკნელათ იფეთქა და ჩაჭკრა. დადგა ღამე ჯადოქრულ თავაშვებისა, საზარელი და საშინელი.

გარეთ კი ქრისტეშობისთვის რძის ფერი ცა უხვათ აყრიდა ცოდვილ დედა-მიწას პირველ თოვლს, თითქოს ადამიანთა ბოროტება მისთვის ძვირფასია და სპეტაკ უმანკოების ზეწარში უნდა გაახვიოსო.

ჭ. უმბაძე.

